

乾

隆

鄞

縣

志

鄞縣志卷三

山川

神禹別九州表以名山大川鄭漁仲謂州郡有改易而山川終古不易其言當矣鄞雖僻在東南而於山見四明之高於水見江海之大且深斯亦足以顧盼自雄者也環縣皆山要皆四明之分支而溪流屈曲合爲鄞江左合奉化江右合慈谿江總名之曰甬江酈道元生長北方東南輿圖得諸傳聞故餘姚以東闕焉今所撰述皆水經注所未及者也

府山在府治後堂北十餘步宋寶慶間郡守胡榘取五方

土積之成山以鎮治城延祐志

案今巡道署即宋之府治後圃有獨秀山當是府山遺址也

鎮明嶺在州南一里三十步州之內案山也上有佛亭天禧中太守李夷庚能地理之學以州無案山故直州之南累土為阜高丈名曰鎮明嶺此蓋夷庚因其舊而增之耳非創為也其後往來憚於登陟日削月夷特餘土坡於其

側耳乾道圖經

袁士元鎮明嶺詩一嶺坡陀鎮明無山無水自天成開看來往登瀛客彷彿金鼈背上行

雲石在鎮明嶺南二十餘步隆起土中逼近寶雲寺或云

寺以此名嘉靖志

案雲石久湮沒順治中邑人聞性道訪得之寧紹
台道王某捐俸買民居屋地石始出後復爲積土
所掩乾隆四十五年諸生何承浩郭景兆等復訪

得之因設石欄構亭其側立碑記之

郭鑣雲石歌我聞仙人煮石不煮雲五色煉成天亦補
更聞泰山雲凝一寸膚澗雨崇朝遍下土是知爲山之
石者雲之母也雲之父有雲變石亦尋常變石爲雲但
賓主爲看戒香古寺東雲石盤盤以拒拒臥冷雲窩干
百年世人題石等瓦釜由來殊質悲淪棄鬻向鄰家營
半堵塵泥隱現古復今抱得雲心終不腐五嶽真形築
方寸呼吸直透通帝所正逢雲石開雲氣抱拜狂呼蹈
凡舞呼朋爲洗石塵蒙香醪百斛澆地脯惟歎彼雲石
之英待人而靈吁嗟滄桑世局如雲變埋石千年化爲
女將欲騰石於霄漢之閣亦復浮空映碧若霞噴足濯
青海背負天噓氣成雲雲作雨江鄉雲霧天地連三片
茫茫在何處飛來峯前日影西大石起立仰而俯大笑
維衛誠啞佛不能使石頭點頭石光成炬我今作詩洗
雲石洗石爲雲行記取爲語顛生知不知啞女能言石

應語

四明山府西南六十里綿亘明越台三郡之境周回八百
里二百八十峯峯相次上擬於莽蒼中頂五峯狀如蓮
花疑近星斗唐末有高士謝遺塵隱於是山之南雷嘗至
吳中謂陸龜蒙曰吾山有峯最高四穴在峯上每天宇澄
霽望之如戶牖相傳謂之石窗故茲山名曰四明山中有
雲二十里不絕民皆家雲之南北每往來謂之過雲有鹿
亭有樊榭有潺湲洞木實有青櫛子味極甘而堅不可卒
破有猿謂之鞠侯於是龜蒙與友人皮日休各賦詩九篇
傳於世十道四蕃志及太平廣記神仙傳云卽漢劉綱與
妻樊夫人上昇之地四明山記云孫興公得仙梨而上昇

山在郡跨鄞奉化慈谿三縣初名明州以此寶慶志

按四明為邑之鎮山境內諸峯羅列土人隨地命

名實皆此山分支今依舊志列於城外諸山之首

其餘依四境敘次之

沈明臣四明山遊記余生四明餘五十七年矣嘗走吳楚閩粵間凡佳山水處率謀裹糧遊而顧於四明山未嘗一陟其巔何以稱四明人哉今年二月十日與汪生禮約期是日雨乃買舟至鳳皋口肩輿入山踰簾嶺渡莊溪又踰江村嶺過翠山寺廢寺前橋大石跨溪高空谷中有此自壯偉云宋太師張衛國孝伯家所建衛國墓在山之東山麓有金鷄洞僅僅石罅耳稍入數里曠焉土田山盤水滙是謂大雷山汪氏世居焉然謝遺塵隱處不在是雨不休客汪氏三日夕與生父參軍仲安君對賭討論故實參軍不飲酒余病亦謝不飲燒燭啜茗甚適也已而晴與中表弟三四人及汪生踰千嶺入魏阜拜中表伯父墓中清溪窈窕白石瑤草滿澗聲潺潺山竹樹間與松濤相答響余樂而留之移日汪生曰溪上山田皆禮約家物當跨溪結樓數楹割

田十畝供先生隱具先生願賜可之余曰諾吾將託是
 老矣汪生乃姓是溪為沈溪云午炊而還參軍乃治具
 挈銅鑪遊葉公廟云此鑪出貴竹與吾俱二十年客無
 當者閣不試乃今試幸為我賦之余曰諾是日望歸途
 月色如畫少憩東山之石水木清華湛然相照明日與
 參軍別乃買兩籃輿與人四人從者各一人結束問途
 輿人口先往仗錫寺乃可尋四窗仗錫去此尚八十里
 而遙仍踰干嶺西行一大溪東注紆迴不知幾折石齒
 崑雜立水穿罅中行若游龍走虬雜以杜蘅蘭茝菖蒲
 射干之屬其源蓋莫測所自淙淙作響東西谷應兩崖
 山秀麗幽峭行三十里所踰一高嶺山至此皆插漢所
 謂大雷尖小雷尖相聯絡而起大雷尖一曰南雷此正
 謝居士隱處前汪氏居蓋借是名耳始知前大溪源出
 此嶺之西萬峯千壑若驚濤怒浪擁翠而來嶺西水西
 行又與一大溪會大溪源蓋出西北斤嶺至小皎南流
 曲折而至它山入郡城矣溪中又行舟嶺上見西北諸
 山皆際天遠望極西南向走者開脊平行約可三四十
 里雲與霞蔚豈志所謂過雲者耶過雲一曰雲中居雲
 之南者曰雲南居雲之北者曰雲北下嶺而稍北折西
 一溪凡兩波北山之麓曰小皎溪上有齋堂廟額為
 張卽之書不知事何鬼像塑出宋人手小皎村蓋表石
 界餘姚為龔村為石壇為斤嶺而小皎溪一支南人為

蒜坑小菴一僧一行者一午炊而去高下皆南行高爲
蒜坑嶺又踰苦竹嶺行二三十里路皆在同嶺之巔嶮者四
屏障然而所行二三十里路皆在同嶺之巔嶮者四
五里腰山而路高者出雲上四面峯巖起下而壑者萬
尋色赭而童視之踏蹀深淵中斗絕若鍋釜然行者趾
錯鍋際心悸目眩如履九折之阪不能舉足乃誠汪生
閱日定神聽與人語徐渡乃濟回視大山下數十家
煙火出林麓間與人口此正石壇龔氏居也正嘉間有
侍郎公名暉者起家進士蒞皖東山高可與南雷敵山
之陽卽大皎鄞屬而所行五六十里間委蛇如蛇山嶺
皆犬牙錯忽鄞屬又忽餘屬忽界所由分處有大田同
飲上人略以小膝樹封云時野燒滿谷白煙起蒼靄中
者之茫茫然若漲海也雖善畫如吳頤王李諸君恐亦
未易措手又踰錯愕嶺又名錯愕巖巖崢嶸翠律徑路如
練穿雲霧以上磴繫細石盤繞趾蹠磴隙磴滑卽墮傾
跌數回始及巔而下益峻嶮手援竹樹足藉朽株蟻附
而下山巔石皆林立峭拔列若屏者擬若筍者若獸而
奔者若鳥而翔者龍而偃蹇者虬而盤旋若者若窪
者作坎若柱者作突若梁者作橫若袖者作舞若手者
作伸若圭者可執若刀者可割人而若僧者女而若髮
者壁立而去尺許復壁立而起若鉅斧劈者不可枚數
山下巨溪南繞溪中石亦大小錯高瀾飛泉蛇行而下

若雷若風若磬若鐘若竿若籟若笙若鏞若擊若崩若
 扣若撞使人目不及瞬耳不及審乃坐大石歌滄浪之
 詩以行登一小嶺繞而南出乃一曠土寬數十畝者有
 沈氏居焉地曰柿嶺家戶業紙屋後山如屏少憩買酒
 餉與人野老一人欣然出酒看相勞苦乃為三嚙而起
 山錯愕而東十里所云有漁湖在字巖下今已為葉氏
 宅湖蓋僅存一溝矣未及遊又度一大溪溪即南繞者
 復折而北間之亦云出它山溪上即又嶺行殆未十里
 日沒矣是日蒸熱若長夏天則劫霽忽陰雲一縷起日
 下即大風震蕩山谷響若雷霆怒擊雲涌出南走頃刻
 霧六合雲黑如旋野燒出山頂狀若列缺光閃閃爍人
 亦一奇觀與疾走首不及數回只尺不辨與人懼奔逸
 趨投仗錫寺雨閣不下僅入門大雨澍人皆云龍起耳
 入寺時三四僧出迎客雨中然枯竹風琴琴在樹萬竅
 怒號竹光死堂戶皆震動酒數行雨罷乃罷宿遷公房
 且日陰復風旋作雪旋止僧云天陰即雨雪不問冬夏
 也蓋計平原至此萬三千丈云飯罷風不濟起策筇出
 寺門有古松一東南行復東折循山麓半里所方石圭
 立道旁日屏風巖高丈五六四面稱是東面鑄四明山
 心四隸每字大二尺許志謂出漢人手誠然非後代人
 所能辨也南面有慶豐字風暴甚不能久留山巔亦有
 怪石不能上同寺中午飯風濟復策筇出寺門西行洞

石作橋寺前田百餘畝諸澗水澎澎出橋下兩水夾
而走岬如也溪斗絕率一里許率二三里許懸水數十
尺瀑瀑下為級者三最上者為洗藥溪一級鑄三峽字
二級鑄澗溪澗字三級不鑄字鑄字在南麓之立石曰
過雲巖巖下溪橫一巨石如梁梁上坐可十人蓋過雲
字雖鑄此此徑路窄仄無二十里又南北鮮居人當非
雲中前所謂大關山者無疑矣僧云雲時人到此腰以
上出雲上腹以下沒雲下耳僧曉僧榮侍遊陳果核梁
上酒三噲還三峽北山之椒有片石突起刻中峯字如
斗大篆下刻經語精徑寸蘇蝕不可讀云下有再來石
榛莽盛不可尋復拔崖上稍西復有片石突起石背
穿仰睇天見一線劃一石刻四窗字楷大小如中峯旁
有款僅開慶字可識餘亦薺蝕會日暮還寺中明日戒
與人行僧榮從仍由三峽西出南折過一山若井徑然
至大俞溪溪東西皆居人西俞姓東即寺莊溪闊數尋
步石作渡水紋殼坐良久時山桃作花瓣流鱗中錦錯
錯呼土人俞姓者一人先道西上嶺卽四明山也輿行
嶺里者十盤而陸者數處漸行漸高見兩崖皆有高澗
落翠微中或見或隱樹杪濕而四山益高峻西大端
委而長山椒石矗矗起童色蒼赤是謂白巖頭土人語
說不可辯詳辯始解云蓋四明山之前山相隔一巨溪
溪南繞而復北折為大俞溪去里二十踔遠矣然望之

山不複也至是不可與土人前道者砮荆榛取徑南入
 二三里許山俯而復昂崖窮壁立蓋幾千仞下睨潭水
 黑臨厠不敢窺窺輒眩厂稍西南向者亦骨立水滴
 垂腹穴而岫者四卽石窗也號稱四明者無徑路隨道
 者縱橫下上援竹樹匍匐至厂下石确稍陂陀凸受手
 縮凹納趾蹠橫上十步達岫口是時日正亭午光不中
 入中岫積深丈闔如之中臥一石隔為兩岫乃俯首入
 躬曲不伸出厂口伸右岫僅容臥一二人者左岫容三
 四人臥石五色錯仰視若網狀亂石珠綴大者鼓如中
 者斗如小者丸如細者粒如中岫石一鼓如而平者題曰
 曰懸鼓厂口石一磬如而折者題曰垂磬中臥者題曰
 片雲厂口平立如壁者而不下盡題名及歲月右岫半
 壁陷者尺題曰藏書處余擬著一家言寫副本託是以
 藏之第恐山靈不我呵護矣字皆汪生手書分篆楷行
 草具惟懸鼓仰書滴石乳作墨潘云下視溪壑雖斗絕
 淫鬻然石藜藜草樹以故不甚怖愕第力罷少啖果餌
 氣稍充志所稱青樗子鞠侯俱尋不獲鞠侯猴也見人
 或深匿間土人雖老死亦無識青樗子者鹿亭樊榭亦
 不可尋又云樊榭卽白水宮蓋在西四明云志稱二百
 八十峯四面各生一木東生梓西生松南生栢北生檉
 今亦無所辯莽莽榛榛蒼翠雜植無不有也無慮二百
 八十峯也為巒為嶂為巖為岫為洞為崦為嶺為巉為

岑為嶠為嶺為岡為壑為谷為谿為谿為峒為瀑為潭為淵
 為崎為崖為岑為陵為阜為窪為阜為壘為壘為臺為壇為
 壻為壻為壻為壻為壻為壻為壻為壻為壻為壻為壻為壻
 有之望之斗絕懸者容從高者隣响而節級者吟磔深
 邃者駭詭而聳者曠曠而雍者屢屢碎者下侈上銳者
 上蓋下哆者首昂足欽者身縮手足舒者腰細而股大
 者稜層而峭削者端委而尊嚴者奔騰而去不甯者怒
 發中止者戴土而崔嵬者戴石而岨者土石半者多草
 木而峭者無草木而童者蒼壁者赤而復者黃白而上
 下該者紫翠左右坼者罅而屬弱者堂者室者盛而防
 中隆者阜大區小泉巋者岨者垣者堂者室者盛而防
 者墮而民者重巖而墮者墮而岸分者水之穆流者澄
 而紆譎者徐衍淺澗者噴灑者溢者溢者溢者溢者溢者
 疾者滄瀾淵壘者流海台磔者盤紆窮鬱者願漾滲瀉
 又無不有之會迺日暮仍遊寺明日辭仗錫南出高下
 增曼阻陪陂陀不知幾百折乃踰踰嶺童岨半至徐
 鳧巖一日徐無巖陸下千尺瀑垂半壁忽內陷陷窮復
 突削廉故瀑瀉作煙霧狀飛灑珠態若白日走怒雷三
 面壁匣句廉側窺而頭日眩燥竦神悸矣強起策而
 臨厠風倒激珠雨射霏霏濕人衣帽思從隕中仰視四
 山環阻谷口南入三十里回遠矣躊躇而去去十里復
 得一隱潭瀑視徐鳧巖三面赤壁匣小較徐鳧四之一

級石而下仰視殊快心目云下復有二潭潭俱龍伏稱
靈焉陜中石齧人足不能去去又十里為雪竇未五里
有上雪不及遊雪竇山曠然四豁紆紆城也闕其南闕
外青峯屹起若芙蓉簇翠是為小晦山寺曰資聖殿毀
今存者不甚飾亦不甚宏敞一浮屠立殿右云為雷火
所燒山門高四丈許新立十六夜為風壞僧云龍怪也
寺前殿寬二百畝有含珠林今赤地有錦鏡池今田有
古松一如馬遠畫觀仗錫尤大大可三四圍松下橫石
梁兩端夾左礪出梁下合而南流為瀑布瀉千丈巖稍
不到巖十丈許橋而屋者十楹余題曰瀑上橋千丈巖
瀑亦視徐覓巖而下深過之半石忽作盤仰承瀑瀑至
盪而擊而玉屑飛聲吼空谷不雨而雷日光蕩射恍恍
電上有飛雪亭殿崖之阻故太守雲間沈公作遊記作
詩碑焉風厲不可亭亭碑亦仆由亭西上為妙高峯臺
如峯名今毀有平敞地昔僧院云僧有道術虎伏就食
嘗結慈龕變其中峯石隆然平者三盡處壁削奇峭望
之巖巖也因而諳山嶽峯險寒交錯如結時陰晴互異
色幻變該妙且高矣南望為大小崎小崎近丹崖青壁
信當界之仙都記有寺為奉慈坑為櫻花俱不及尋從
步高遠由瀑上而東雨山崎亭碑宋理宗應夢名山
御書入寺路由此由山南轉下自沈岡下陘中臥對瀑
布勝益奇觀隱潭宏而肆哉潭受瀑黝然沉沉廣可飲

餘水湄芙蓉叢生又云生甯公藤白泥岡土獨壑餘上
丹兩僧日侍游一戴姓一陳姓俱鄞人明日辭雪竇出
由白巖至溪口皆岡嶺間行不甚險漸行漸下矣有雪
竇禪關亭買舟溪口還過蕭王廟過同山過烏山過江
口過徐家渡過三江口景清曠饒水竹土田肥美故勾
章之墟在江口山陰水陽或湍或瀨或淺或深或潮或
汝至北渡暝矣上眺江橋四望北指大雷示禮約曰汝
得無自雲思乎哉過三江時讀盧柟詩柟註誤入法網
濱死者數四十三年始出獄讀其詩楚楚悲焉至家燈
火焚焚起是為二十一日也明日送汪生還山乃命毛
邑丹者計三之二故古記曰四明為丹山赤水洞天一
日赤水
在象山

龍山縣東三十里與鎮海陳山界狀如游龍四明山發脈

迤邐自南而東北至此曹志雙峯在龍山頂嘉靖志

鹿山縣東三十里相傳鮑郎聞志作蓋嘗見鹿射之就視

乃石今遺鏃尙在默而搖之則動語則不動嘉靖志

陽堂山在鹿山之南俗又名青山四面懸絕下有鮑郎山

即鮑君生所居也寶慶志

西亭山縣東三十里層巒聳秀下瞰深淵人擬赤壁之勝

並山而居者多錢高二姓又名高錢山嘉靖志

戴良遊西亭山詩巖約湖曲遊良辰輒蹉跎及今風雨
夕一羣凌寒波遙遙度墟里靡靡轉陂陀暫息泉上樓

倚巖弄芙蓉此時知心友愆期在
出阿儂借候之久不至復如何

青山在西亭山南二里許峯巒疊翠春時臙紅粉白如圓

畫嘉靖志

舒直青山詩鴈雲過雨翠成堆天淡平湖一鑑開萬木
號風韻絲竹千峯帶月上池臺靜無俗駕金鋪地開有

高人玉滿盃聞道碧桃看欲發劉郎何事不歸來
十

星松行翠插天晴溪嶽草尚芊絳笙歌自滿蕭郎宅琴
鶴空隨賀老船未分舊遊雲寂寞遙知舊夢

蝶聯翩故鄉幸好宜回首還見人間換一年

東石山縣東三十里一名稽山出石寶慶志山石細膩勝西

山石嘉靖志

大涵山縣東三十里瀕水而秀天霽風晴則水光山色上

下相映成化志

案寶慶志大舍山在縣東南三十里當卽一山也

賀山縣東三十六里高二百八十丈東北峯上有佛左足

跡下瞰阿育王寺按十道四蕃志云以海人持貨貿易於

此故名而後漢以縣居賀山之陰乃加邑爲鄧雖或以山

或以縣取義不同其所以爲鄧則一也故在後漢志爲越

州鄧縣之境而唐武德中分置縣境更名鄧者以此金翊

纂異記乃引顧越碑云昔西國獵人劉薩訶南登稽嶺東

踐鄞山卽此山也按鄞因赤堇山得名而其山在縣東三十四里吳越春秋云有赤堇山故加邑爲鄞則鄞與鄞蓋二山也舊記考之未審乃併爲一山故於此詳辯之乾道圖經

橫舉山卽橫山鄞山東二里許嘉靖志

省窰山橫山東三里許邑鄞時嘗作陶於此故名嘉靖志

阿育王山在鄞山之東高數百仞昔阿育王見靈建寺其下因以名山山腰有佛足跡入石二寸餘有極目亭望海

中山如邱垤然寶慶志山有大權洞仙書巖巖在山後有才

公坤三字間志有育王嶺通鎮海縣界李志

舒直遊育王山詩參天松栢綠陰陰古佛巖前一路深
遠鳥不驚如有舊雲山相對自無心數泓寒水雲藏雨

十里輕沙地布金杖屨更知
非世境上方日自游湖音

謝翫遊育王山詩曳舟來山中出郭稅吾駕獨慕忻衆
鷲晨發乃及夜豈無城中山愛此是幽野橫陳玉几峯
隱護碧殿瓦并州古男子禮塔於是舍而我飲冰人猶
爲內熱者擬攜桃枝笙舒卷得餉暇明席織海草因之
一枕藉冷風吹雪

空相與坐其下

戴表元遊育王山詩花滿車茵酒滿船亂雲堆裏訪枯
禪林深何處無芳草人靜有時聞杜鵑神屋畫飛青嶺
禪靈潭陰罩赤蜿蜒居然悟
得松風夢回首廬山三十年

乘長卿仙書巖詩才公坤是何代人名鐫崖石

尙如新摩挲老眼看不出山鳥一聲天地春

樂長卿大權洞詩山椒古洞間無人雲物深藏

護塔神歲月雖長人跡少一番花發一番春

玉几山在阿育王山之前自寺視之橫陳如几寶慶志

明堂縣東四十里在玉几山之南舊有明覺顯忠二院

志聞

赤堇山縣東四十里山有草曰赤堇鄞縣以此名乾道圖經

案聞志以錫山當赤堇山非是

白石山縣東四十里白石玲瓏峯巒峭拔上有神仙石棋枰下臨東錢湖一名火石海舶見以為怪

李志

山有棋盤石

聞志

羅皋縣東四十里山圍如網羅故名

聞志

聖姑山縣東四十里

成化志

同谷山縣東四十里以東西兩嶽同一谷口故名嶄粵崔巍融繞靈秀玉几左肱太白右股大涵居其前靈峯居其後上有深寧王尙書墓又有三嶺一石城落通定海深嶽一魚山通定海大礮頭一長山通小浹港先時山麓與海相際海中百貨入此貿易故谷口舊名後塘街西去半里

許曰下莊宋有酒坊司至今土人掘地常得甕甕之類

嘉靖志 按定海

皆今鎮海縣

王厚孫同谷賦大同山人白髮垂耳肥遊充安營蘭室
於同谷納宇宙以大觀愧謝公之臨濬慕李愿之居盤
有西州公可躡門而言曰僕甫入東未遑躋攀竊聞先
生別業東山可聞其概而啟其端乎山人曰惟鄞巖邑
在漢為鄞考牒按圖融結淵秀發軔華頂綿絡蜿蜒分
支四明拔萃福泉太白右股有特其顛玉几鹿山輔翼
乎左右大瀟靈峯導從乎後前故能莫方與通高圓旁
薄聚莽蒼宜其為山也朝陽賓日絕頂龜天或龍蟻遠
騰或斗柄南旋窈而曲也藪之深巖而勢也敷之妍走
者氣壘萬騎飛者翻迅孤鸞其水則穹石澗源層崖懸
瀑疊科分瀾潛行兮洄洑冷然鳴玉其土則鮮原沃壤
九曲暴漲疾如奔雷清激冷然鳴玉其土則鮮原沃壤
錯綺布基不疆奚場不積奚基高直便於疏洩低受澤
於浸漉道速驗以土則藝穫相其時宜於是訪故老以
流憩蒸氤髦士以耘耔朝躋靈運之屐夕賦淵明之辭士
龍語詳而足微宏景神交而來娛執如崆峒嶺之辭士
在茲乎公曰谷之在鄞九霄一星蓋亦舉其物產而
民生之足稱者山人曰踰山北東溟渤尺只万物伊錯

波鱗風尾蚱蚌蝦蟳名殊狀詭連網籀雲集貨成市獸
 珍玉面之狸禽美錦翼之雉豕三歲而為豨麋羣行而
 如麋聲聞樂雞狗之寧考牧羨牛羊之侈至若春深雨
 闌梅實桃華叢蘭蕙兮深林苗草蕨兮陽坡雷笑瑞草
 粟粒金芽籜龍奮躍株屏槎牙條柔沃之園桑麻縱
 橫之畝來牟貽我續食稼穡浩夫生涯及夫夏暑赫熾
 瓜疇繁繁翠焚流水碧實如垓秋露欲霜載收紫葢食
 所不微藥亦具嘗元律云初素絢繡構果蔬蒸餠揮溪毛
 野蒞食以玉延羹以芋蕖拔荀為蔬斫竹葇箭伐松栢
 暨樟檮構厦屋與舟車征賈於焉而轉物達吳粵而輸
 京都梵唄稱揚修歲事也酒醴饌香重烝界也里閭洽
 比敦禮意也老穉扶攜悅春氣也積勞而暫逸素賤而
 忘貴鄉同醇厚之俗家遂寧謚之志茲不為厚生而為
 民利者與公子曰地之阜者物必盛力之至者事必完
 券當然也願聞闕大奇特之觀云耳山人曰莫高非山
 鍾氣則靈莫靈匪人種德以承在昔具珉之士僉言茲
 地之形探管郭之寔按玉髓之精雄壯神虬之奏海端
 巖仙人之坐屏儼正位於子午應列曜於天星蓄久乃
 泄遂為王氏之佳城自浚都而南澗淡無意於經營洪
 鈞啟閭富煜效成天界神授列兆泉屬宜獻忠文敘其
 志恥堂中山支其銘於是五葉蟬嫣繼繼繩繩或政教
 嘉師或智勇本兵喬梓高第金玉宏辭固以侈科目之

盛而駕轡五馬蓬班八座未足羨閭閻之榮惟其會一
理根六經傳道學贊文明著述廣體用并龜卜其言金
石其誠顯則白日光潔隱則孤雲杳冥貫三代漢唐之
事備闕朱張呂真閻道行騰九原之儲孕專一老於深
寧言未既公子作而言曰嘗知是邦衍慶山邱光祿惟
袁書錦惟樓史母氏葉繇源派流若王公之懿美匪爵
臣之可倚余常奉瓣香潔寒
泉肅敬墓下以徵文獻之傳

馬嘴石縣東五十里柴樹嶽一名馬跡石石上有神仙馬

跡聞志

白雲山縣東五十里在玉儿山之南宋建寶慶顯忠寺以

賜趙希言廢址尙存

嘉靖志

山北十里有亭溪嶺

聞志

舒直遊白雲山詩高低深淺逐陰晴一簇林巒畫不成
誰道青山怕雲點白雲點處轉分明 四山面面玉成

開只許開雲去又歸更有小
軒人不到落花狼籍點苔衣

樓鏡遊白雲山詩天近罡風吹面寒縞衣玉立白雲間
滄波萬頃海南海翠壁幾重山外山自覺登臨無限意

誰思富貴不如閒前峯若個神仙客指點煙霞見一班

寶龜山縣東五十里舊有壽聖院相傳陶隱居禮育王塔

時嘗於此山遊息建真逸閣以祀聞志郭童鼻山縣東五十

里成化志

筓箕山縣東五十里小白嶺上元朝請大夫盧元解組東

歸耽太白之勝結廬居焉土人至今呼為盧家大山下有

元墓菴成化志饅頭石在小白嶺上相傳心鏡禪師度蟒時

施食所化今間可尋獲白質黑餠宛然相肖聞志

福泉山縣東五十里古有龍井水泉澄碧東北有洋山鼻

成化志

跔跨山縣東五十五里成化志

太白山縣東六十里視諸山為最高其巔有龍池雲霧蒼
勃生於水面若麗日晴霄澄澈如鏡或風振林木落葉紛
紛過之無墮池中者每風雨時雷電多從山頂出邦人早
蹶必禱焉或曰山以太白山星得名又曰近有小白嶺故以
此為大白非太白也

寶慶志山南為南滄泉中有水簾洞

王安石遊太白山詩太白巖從東南馳泉嶺環合青紛
披煙雲厚薄皆可愛樹石踈密自相宜陽春已歸鳥語
寒淡木不動魚行遵生民何由得處所與茲鳥語相諧
熙熙東吳太白山水詩孤城回首距幾何憶得好處
長經遇最思東山春樹靄更憶東湖秋水波三年飄忽
如夢寐萬事感激徒悲歌應須飲酒不復道今夜江頭
明月

薛暉太白山觀雪詩三十里松聲千山雪未晴人當絕
頂見吟到此時清大地球琳滿空林鳥雀驚老僧觀物
化無滅亦無生

天童山縣東六十里晉永康中僧義興結廬山間有童子

來給薪水久乃辭去曰吾太白一辰上帝遣侍左右言訖

不見太白天童之名助於此前有玲瓏巖石多嵌虛支徑

透其絕頂景象尤勝寶慶志天童山東行一里曰中峯亦佳

秀世稱小天童西曰玲瓏巖其西南曰響石叩之馮馮有

聲李憺遊天童山記玲瓏巖東北絕壁間有二洞曰觀音曰善財

有臺曰禮拜其東南有清風鳴志

王安石遊天童山詩村村桑柘綠浮空春日鶯啼谷口
風二十里松行欲盡青山捧出梵王宮 溪水清漣樹

老蒼行穿溪樹踏春陽溪深樹
密無人處惟南幽花渡水香

謝翱遊天童山詩城中家斧冰此地絕炎蒸天食青童
捧龍母白氣升暗燈猶宿火寢服尚衷緡客話從前事

書傳入定僧風流今獨盡雲物老相承淨榻搜涼臥危
闌入醉凭雨師行下界鳥夢識中乘明發而南去他山

達智

戴良遊天童山詩避器去城市遺閣在川岑遂申獨行
意行此無盡林松篁儼映鬱蒼翠逸深沉九龍山已見
三生石可尋列嶂圍招提傑閣俯嘔欽池光亂塔影澗
流傳紫音龍化井已竭虎去泉徒深周顧信靈迹遲留
多賞心念未委塵妄事可息煩

襟旬理荷已協何用戀華簪
張時微遊天童山詩徑轉諸天近淵深衆壑歸山峯長
幾日松霧細沾衣晨席依青草題詩對落躡卻憐雙白

鹿時自
歎幾評

奇真玲瓏巖詩詭山迥與萬山殊空洞由來
一教無直道思虛心自天意人間穿鑿枉工夫

謝錫雨飲玲瓏巖詩垂雲起嶽嵌衣被松與檜夜含星
斗光隱若金石氣雨來輒阻之不得撫蒼翠下有桑門
子飲月自總器盆中蓄海石左顧如牡蠣疑此積上來
不知幾年波桑門却問客所居何姓氏回指南海峯蒼

茫倘
一至

雞鳴山在鄞縣山有石井上有銅瓶着石有大石雞云從

浮梁上飛來今猶鳴應扶桑曉

十道四番志

案雞鳴山今不詳何地姑附此若舊志謂境內無

此山即削之則豈以現今樵夫牧豎所指名者為

足據耶

佛隴山在天童山西南二里山下有佛隴菴

李

打酒嶺縣

東六十里在佛隴山之下

開志

大慈山在縣東六十里東錢湖下水喚宋丞相史彌遠葬

母之地以此著名

寶慶志

屠隆詩坐覽湖山上高霞淡空色踈花竹牀深暝葉松

門積荒坡絕人行但有蒼屨迹勁風蓬洪波浮天搖則

芳陰崖石氣寒古洞水痕渺雲堂晚鐘微日落野煙白

僧定香轉清猿啼境逾寂學道割情戀胡為眷泉石掘

塚日紛綸欣賞此晨夕挂

冠束何遲永願謝羈勒

高論嶺在大慈山之西北

聞志

阮山大慈山東南七里舊有廣福院

嘉靖志

假巖縣東六十里上水之東北宋相史浩斃石百餘丈層

巒疊嶂宛若天成

聞志

瞻崎嶺縣東六十里在福泉山北瞻見崎頭海岸因名

聞志

案瞻崎府志俱作瞻崎誤

大嵩嶺縣東七十里

嘉靖志

靈山郡國志云山有石鼓臨澗若鳴則野雉翔鳴故曰靈

山

太平寰宇記

案靈山今不詳何地姑附縣東山之末

金櫃山縣東南三十里

嘉靖志

禪寂嶺縣東南三十里聞志

巖官洞縣東南三十五里上有巖官廟聞志

茂嶼山縣東南四十里有張氏世居焉嘉靖志

王穉登客越志略茂嶼山房尚書公別業也門左琴山上有步虛亭後圃寒礪在門梁石而渡小山幽靚花木

涓涓亭曰品山沈嘉則所命名也

沈明臣遊茂嶼山詩吾道在青山高風逸自攀穿林分落照坐石俯潺湲碧嶂聞猿嘯青天見鶴還漁樵處處

有何用白雲關曠達恣幽尋其如白日何地深山木老天空水雲多石髓難逢得吾曹且嘯歌不須勞夢寐

典至許和過

王嗣美茂嶼山居詩山中日倍長空翠集中堂得意看羣動無名賞衆芳煙霞談塵妙荀蕨食簞香酣息方思

臥風篁掃石牀

墩縣東南四十里聞志

黃山縣東南四十三里

嘉靖志

五峯山縣東南四十五里下有五峯寺

嘉靖志

舒直五峯山詩何人縮地海東偏靈嶽分來不計年幾見彩雲爭照日直疑仙掌欲擎天依稀故國松千尺迤

遲前山石一拳四面開窗看不足老僧時立碧溪前

王應鵬遊五峯山詩一別茲山久重來髯已絲雨苗分舊藥風籜露新枝西嶺雲歸嶼東峯月上遲旻公向何

處惆悵獨移時

霞嶼山縣東南四十五里東錢湖中上有霞嶼寺名小普

陀有觀音洞

嘉靖志

李濂遊記略霞嶼補陀洞天相傳史丞相之母欲禮補陀丞相虞海濤之險乃鑿竅東湖山以入曲洞通明內寘石觀音像洞前刻補陀洞天四字給其母母作禮而還洞上有亭亭牖開四面南望韓嶺北望二靈東望上

水西望

陶公

戴表元送人遊霞嶼詩霞嶼風煙接渺溟老仙萬鋪敞
林馬峯前雁起湖雲淨池面龍來海雨腥閱世僧閑願
黑白游山容爽句丹青何緣飛

去清涼國兩腋條條著翅翎
楊守陟遊霞嶼山詩東遊如入輞川圖野馬沙禽相喚
呼碧樹森羅三寶地青山環繞萬金湖人逢首夏衣穿
葛節近端陽酒泛蒲一宿招

提問禪語而牆今有達磨無

案霞嶼觀音洞史巖之所鑿非彌遠也李公未見

延祐志故爾

月波山在東錢湖西北與霞嶼相峙上有月波寺嘉靖志

胡璉月波山詩水邊樓閣鬱嵯峨一櫂清秋看月波南
竺老禪能梵語東州狂客作吳歌天垂斷岸明河動雲
擁長松獨鶴過亦有風流
如賀監畫船載酒共婆娑

梨花山縣東南四十五里春月梨花極盛東湖之勝概上

有史丞相讀書臺嘉靖志

盧鎮梨花山詩湖上佳山水況逢春日來梨花飛白雪
鳧鳥點蒼苔曲徑穿雲上芳樽待月開徘徊問遺事惟

有讀
書臺

百步尖山縣東南四十五里為湖山之最高峻者

嘉靖志

袁燮百步尖詩一山屹立萬山朝壯觀稜稜倚碧霄惆
悵故交埋玉處高名千古共岩巖自注故交謂沈國錄
也沈葬象坎在
百步尖之下

闕水山縣東南四十五里

成化志

鳧橋巖縣東南四十五里上有瀑布泉

聞志

隱學山縣東南四十五里東錢湖畔下有放生池相傳徐

偃王隱於此

嘉靖志

山北有隱學嶺

聞志

擇陽山在隱學山之西南

嘉靖志

石羊嶺縣東南四十五里

聞志

鄞縣志

卷三 山川

六

陶公山縣東南四十五里東錢湖中世傳陶朱公嘗隱於此有釣魚磯在焉宋寶慶三年守胡榘嘗建煙波館天鏡

亭於上寶慶志

洪性詩霸越平吳此息機簑衣終日生漁磯一竿風月高名在千古江山舊事非春雨荒臺苔蘚合夕陽古渡釣船歸探奇欲試登臨與流水無情白鷺飛

二靈山縣東南五十里東錢湖東有二靈寺李志

鳥斯道遊二靈山詩東湖濶處二靈山龍吐雙珠落水尚四面亂峯雲氣白半天孤塔雨花斑當年馴虎歸何處今日輕鷗只自閒問訊老僧詩句好清風謾謾滿松關

綠野輿山縣東南五十里成化志

象坎山縣東南五十里又名范家山成化志其南有茅嶺開志

安石嶺縣東南五十五里有王安石祠成化志

韓嶺縣東南五十五里東南接茅嶺距韓嶺十餘里有張

齊嶺嘉靖志

金嘉嶼縣東南六十里成化志

穆公嶺山在縣東南六十里成化志

朱長山珠山俱在縣東南六十里成化志

慈雲嶺縣東南六十里接東陶嶺嘉靖志

東山縣東南六十三里橫溪之東李志

楊承鯤遊東山詩始從東山遊遂為東山客緣峯溯澗道望煙詣巖宅鬱紆行莫展傲睨情自得風彩生陰寒日氣相噴射濯溪拾紫茸窺洞討靈液仙人逝已久古蹟紛浪籍滔滔陰風生靄靄素霞積覆巖宿深淵鴻鵠遊大澤軒冕良儼來樂全我所息

象峯山縣東南六十五里東有盤雲嶺俗名姜家嶺問志

大梅山縣東南七十里蓋梅子真舊隱也山有石洞仙井
藥爐丹竈遺蹟猶存寶慶志石洞今名石柱巖山石突怒頂
有石剝掣數十仞其址下隙而其上平腴盈畝其中多神
異風雲奄忽卽所謂石庫也丹山圖詠注云梅福曾宿此
庫見書莫知其數齊時樵者何所於此得鹽少許歸而遺
母食之味甘不數日白髮盡黑復往取之已失所在山腹
有槎木二十餘丈常吐光明高僧傳云大梅山中多龍穴
神蛇吐氣成樓閣邊有石庫貯仙藥神仙經籍受之者爲
地下主不然亦帝王師傅唐貞元中釋法常居之遂成叢
林其所居舊址爲保福寺其塔院爲護聖寺其初縛茅處
爲北麓菴相傳虎銜石成塔力盡而斃故旁有虎墓高僧

傳言此山在餘姚之南七十里今在鄞之東南其去餘姚
一百九十里豈所謂餘姚者以明州餘姚郡而言邪王荆
公鄞縣經遊記食大梅山之保福寺莊過五峯行十里許
復具舟以西至小溪其與餘姚縣隔明矣

四明山志

山有棋盤

石

好靈遊大梅山詩仙去人間地轉靈蛟龍合處

谷風生誰知雲霧千峯頂長得青天霹靂聲

樓翰遊大梅山詩為憶西京梅子真人言羽化非沉淪

海瀨古墓已無迹山外高峯寧有神鯁論至今充漢傳

清風翁足蕩秋旻何須更說

神仙事終老市門良可人

沈一貫詩巖桂孤妍點綠苔山磬綽約倚

菩提嶺在大梅山之東通奉化縣界嶺上有棋盤石

志

蔡家墩縣東南九十里近大鹽場

嘉靖志

姜山縣南三十里平原崛起有石洞三其一最大曰後巖中可坐數十人洞後又有一小洞上有小穴形圓如月仰

可窺天寶慶志

陳巖姜山石洞詩春山多少雨染出碧雲堆巖冷潘常
滴人開洞自開摘花香入袖題石筆黏苔茅屋在何處
桃花流水來

茅山縣南三十里與姜山對峙上有一葑以竿探之深無

底止嘉靖志

塔嶺山縣南四十里環列二十三峯引而南岡嶺相接最

為深險與奉化接界方輿紀要黃官嶺在塔嶺之東原名黃判

官嶺開志

芝山縣南五十里寶慶志在仲夏村有楊守陳墓四明志

厲山縣南五十里山頂有石擊之作礮礮聲並山而居者

多吳姓故稱厲山吳嘉靖志

案厲山寶慶志列在縣東三十里誤

北巖山縣南五十里勾章鄉巖中可容百人暑月清涼有

頻伽鳥巢於其中延祐志

它山縣南五十里即唐善政侯王元暉為堰之地水南沿

流皆山至是始有一山在水北因兩山相對堰得以成以

其無山相接故曰它山寶慶志

萬達甫詩古殿江村上長林帶晚暉艇隨巖樹出鳧趁
浦雲歸苔淨春波綠山深野市希更看農事好隴穗拂

羅衣

西石山縣南六十五里出石寶慶志山以產石名有冷水潭

其村為後衙環村樓攻媿詩所謂後衙環村儘溯游者此

也四明山志

金文山在縣南七十里舊有金文惠照院寶慶志

金峩山在縣南七十里高出眾山為府城之遠案寶慶志

朱右遊金峩山詩金峩山勢自天來雨後同巒綠似苔
隱隱鼓鐘空谷裏重重臺殿白雲隈青鞋布襪真吾志

野草靈苗盡藥材聞說深山
更深處老僧竹屋傍巖開

王應鵬遊金峩山詩暖風吹雨濕春衣春草青青入翠
簷僧在上方開竹戶鶴歸深院敞雲屏潺湲碧澗空中

下縹緲丹霞嶺昨飛三十年
前舊藺若夜來香茗復相依

萬表遊金峩山詩達人每道金峩勝况與山僧隔水盟
霜葉未零秋色在神雲猶合暮煙生解宮高向層巒上

竹徑紆從曲澗行夜靜堂深
同對酒故園別舊有餘情

沈一貫遊金峩山詩城頭南望最高山幾度登臨擬一
攀落日獨搖藜杖至春風偏向草堂間降龍老衲雷衣

在化鶴先生棄羽還茗梅香
爐賓主寂不須牽閉薜蘿間

徐盛嶺在金峩山之南通奉化縣界閩志

建泉山縣西南四十五里寶慶志矗立一十五峯狀如列戟

鬱然深秀成化志山有花塔巖龍湫在其下有寶巖寺錫山

二字宋張卽之所書也當時錫山建泉通為一山其地產

橋故戶有橋柚之園四明志

王安石遊建泉山詩雨岸青山刻削成一溪回
曲篆紋平綠陰隱隱無層數欲去黃鸝又一聲

張詩微遊建泉山詩芙蓉當戶碧千尋絕壑雲煙雨後
深接竹細通松澗水解衣長倚石牀陰青蘿礙日緣平

嶂自鹿餐霞臥短林薇炭山
中時正好棲遊應得遠巖心

李希自寶巖看梅晚飲聞君新學山舍詩暮煙生谷口
回首尖梅花隔水無多路春雲有幾家林居偏好客巖

構善依沙重理新
年酌東軒待月華

陳諸嶺在建嶽山之南

聞志

銀山在縣西南四十五里管產銀故名

寶慶志

唐嶽山縣西南五十里

李志

甌篔自董家山魚山山形似廟山俱縣西南五十里

李志

錫山縣西南五十里管產錫故名

寶慶志

潔脈絡或起或伏隆隆隱隱結於郡治盤延至桃源甬東

諸境實一郡龍脈之祖

成化志

山有龍竅屈曲而下莫測其

大嶽嶺在錫山之西丁嶽嶺在錫山之北

聞志

石臼山縣西南五十里山坡有石圓而匾濶可二丈中有

穴似臼世傳葛仙翁煉丹之所旁有二足跡世謂之仙跡

山下溪潭深迥杳不知其底有魚如舟或見必作陰雨或有見龍首枕於山麓潭上者隱仙山與此山相連魏文節

公杞作碧溪菴於其上寶慶志

隱仙山在縣西南五十三里與石臼山相連嘉靖志

響巖山縣西南五十五里巖石壁立下浸江水水北作聲則巖中答之故曰響巖有影如佛像故又名佛影巖天寒

有鷓鴣羣集又名鷓鴣巖寶慶志

王嗣夔遊響巖歌巨靈揮斧劈山脊直削山根數千尺半邊之山但骨立石氣猶疑鐵花赤碧髓如飴採取竭祇見懸崖開一穴中通小有未可知不齒洞天應望缺洞口如箕寬可坐鳥道懸空縵中過俯看清江接混花談笑半天飛咳唾秋深氣寒風颯颯逆距江湖鼓鞀駘長空沈寥雲鳥盡谷神餘訝自相畚隔水禪關草樹封牧童羣巖午撞鐘鳥隄引犢鳴荒壟翠鳥啣魚掉古松去來舟楫無昏曉亂帆出沒青林杪平沙曬網夕陽遲

別浦鳴榔江路宵山脈斜連高尚宅賀老相傳是遺蹟
抽簪歸去髮雙幡費得登山幾兩屐酒船空掉已千秋
十二年來我再遊眼前契闊
已如此雙足何時徧九州

動石山在鄞縣境山有堅石高五六丈下有小石支之暴

風雨則石自動行於山者聞隆隆作聲

太平寰宇記

案寰宇記不詳方里所在今從明會典次響巖山

後

梅園山東浙碑材不能得太湖石次之梅園質頗近膩今

石孔久閉佳者亦不易求矣

四明山志

案梅園山亦未詳方里所在姑附此

木阜山縣西南六十里環列二十四峯奇聳如木芙蓉又

名木坑呂氏世居焉

成化志

山南有甘嶺

聞志

清秀山縣西南六十里上有三十六峯清奇秀麗成化山志

半有雞籠石晉有名僧建塔於上以鎮蛇虎其後疑有藶

金毀塔取之遂為人患四明山志

鳳山縣西南七十里通遠鄉齊慶志山象鳳形有天王寺東

北有洞橋昔謂之文洞宋王應麟記之四明山志

止墩縣西南七十里桓村內於平陽中突起一小山廣可

四五畝高僅六七尺大山皆環拱其外坎輿家謂龍氣結

於此故名又其草皆紫色亦曰紫墩李志

峒山在縣西南七十里中有蝙蝠洞又有四洞或云卽四

窗成化志有松行嶺開志

天井山在縣西南七十里神龍所居有五井舊志云三井

誤一巖突然而出者下瞰百仞之淵地僅容側足緣蘿可
行至下井之旁石皆光潔如龍物常行久而熟之之狀又
行三里至中井又三里則上井愈入愈險餘二井益險絕
人跡罕到早曠祈禱得金線蜥蜴或蛇蟻之類自下山望
之奕奕有光雨輒應每欲雨則雲霧先興於此山

成化志

許賈大遊天井山詩攀蘿行鳥道絕壑見龍湫嵐氣千
峯雨溪風六月秋冷泉移別井古寺隱深邱獨愛它山
下梅梁
積水浮

天象巖在天井山外

聞志

揚承鯉遊天象巖詩越絕臨澗道違枉遠行遊始聞天
象險今捨三潭舟馬蹄剝石棧踰踵度飛流仰緣千尺
崖瞥見萬尋湫霜泐揭陽彩石鏡瀉清秋情高氣逾厲
日眩心內愁肅肅陰風過島嶼霞收猿沈臨澗吟鷗
鷺鳴巖幽握蘭徒爲美探道竟誰搜永懷蘇門嘯頗念
漢濱羞無用自爲足涉險亮非酬退哉北山北冥滅畢

腫

灌頂山在縣西南七十里其山直上二十里方至頂有普

淨禪院歲納學租宋有採鐵於此者後乃禁之寶慶志灌頂

山舊產鐵

明史地理志

上有馬跡石瀑布泉

明一統志

宋方萬里劄子竊惟鄞諸山天造地設峻秀拱揖如
伏萬屏而四明一山峯巒峭拔延袤最廣仙地石窗尤
為絕勝故孫綽陸龜蒙諸公登見賦詠至今郡以為稱
則是一郡之望山又非其他諸山比也自天禧二年撥
隸府學資土其來久矣係灌頂山普淨寺租佃歲入錢
三百貫灌頂即四明之子山也嘉定十七年冬忽有豪
民唐執中者以四明山有鐵鑛發見密於主管司冒佃
鼓鑄焚毀林木掘鑿坑塹不惟一方騷動而破壞風水
關係非輕亟具文中主管司以為此山自隸本學已二
百餘年其間豈無鐵鑛發見之時然前此未嘗掘鑿以
求鼓鑄之利者必有謂也昔胡文恭公宿在夔歷問以
蓬萊諸山居京師東隅民多取金其中以致地震請禁
民鑿山以寧地道況今行都去四明無五百里而會稽
山陵無三百里千巖萬壑氣脉相接豈容以隣郡望山

縱令豪民焚燬山木掘鑿鼓鑄臣子之義竊有未安至
 於孕靈毓秀鍾為一郡人物則當今名公巨卿大臣碩
 望布滿中外不應規此小利毀壞風水況在常平法諸
 坑治興發而在寺觀廟公宇民居墳地及近墳園林
 者不許人告官司亦不得受理今山既隸府學普淨寺
 又已管佃而一郡士大夫墳墓之在其上者不知其幾
 豈不違背法意繼蒙主管司即時禁止方幸平息書判
 見在今歲正月間復有丁思忠者隱下唐執中斷事節
 徑就坑洽司陳狀行下告示本學刻佃普淨寺所管四
 明山即欲掘鑿鼓鑄蓋此山在本學初無利害不過歲
 得錢三百緡縱為鼓鑄亦不失此萬里蕞爾冷官竊稟
 鄉被亦不過三載何敢固執不可以拒泉司之命實以
 丁思忠冒佃此山歲認鐵鑛五千其直不滿二百然在
 泉司十路坑洽之權初不欠此而一郡望山輕於毀鑿
 委有關係却恐今日通勉狗從異時闔郡歸咎必日使
 豪民鑿四明山自萬里始職守所係不敢自默除已力
 陳利害具申臬司外竊恐豪民規圖未已倘蒙軫念哀
 卿望山所在乞賜為下慶元府主管司以憑遵守不許
 人冒佃鼓鑄仍將唐執中丁思忠略加懲治以為後來
 豪民違法規利之戒時允其言永為禁例自此仍撥隸
 府學養士歲入錢三百緡延祐七年山民陳永等
 增租鈔一十五錠後寺僧分佃一半遂復通佃

馬嶺縣西南七十里石上有馬跡聞志

雪頭山縣西南八十里上有龍湫名胡家聖井旱暵雲氣

騰靄即雨嘉靖志

禪巖縣西南八十里舊有禪巖院嘉靖志

杖錫山在縣西南一百二十里前有七峯上有四明山心

四漢隸字唐僧記飛錫至此故名成化志

舒直遊杖錫山詩何人杖錫過千峯雨裏風煙轉不窮
踏空水聲清泱泱深巖花氣濕濛濛遙知雪嶺開亭近

踏坡郭仙遊長在夢魂中舊說雲鄉有路通自快青鞋

王守仁遊杖錫山詩杖錫青冥端澗壁環天險垂巖下
陸壑涉水扳經嶽孤深聽喧瀑路絕駭危稜捫蘿登峻

極披翳見平衍僧道寄孤衲守廢遺荒殿傷茲窮僻墟
曾未誅求免探幽冀累息憤時翻意慘拯援才已踈樞

遲心益眷哀猿嘯春嶂懸燈宿
西崦誅茅竟何時白雲愧舒卷

又山鳥權呼欲問名山花含笑似相迎風迴碧樹千聲
 早雨過丹巖夕照明雪嶺插天開玉帳雲溪環碧抱金
 城懸燈夜宿茅堂靜洞鶴林僧相對清 每逢佳處問
 山名風景依稀過眼生歸霧忽連千嶂暝夕陽偏放一
 溪晴晚投巖寺依雲宿靜愛楓林送雨
 聲夜久披衣還坐起不禁風月照人清

躊躇嶺縣西南一百十里

嘉靖志

王挺過躊躇嶺詩秋日淡平蕪登坂興不孤翻疑盤谷
 道還是朝川圖嵐氣諸峯合溪容衆壑殊何人乘款段
 四顧為

石塘山縣西二十里

嘉靖志

五嶺縣西三十里石塘山之南

周志

望春山在縣西三十里廣德湖未廢時與白鶴山對峙湖

中上有龍湫

李志

楊承鯤詩春山萬木齊蒼磴俯迴溪却望大雷雨橫垂
 罍脰西日含孤嶂出風壓嶺雲低白酒真堪醉吾酣已

似泥

西山縣西三十里宋袁進士鏞死節山下

志成化

王應麟西山弔袁進士詩天柱不可折柱折勢莫撐九鼎不可覆鼎覆人莫扛袁公烈丈夫獨立東南方欲以一已力代國相頡頏適遭宋祚移恥為不義賊奮然抱志起誓欲掃樓搶板劍突前麾手回日月光賊勢愈猖獗山摧失忠良嗚呼絕倫志不得勝才長妻孥悉從溺枯骨誰為襄忠烈動天地游魂為國殤山水倍堪悲抱恨徐穹蒼穹蒼幸一息庶幾紀星霜西風白楊路哀猿號崇岡解劍挂墓栢泣下沾衣裳惜哉時不利抽毫述傷悲

雞籠山烽火樓皆取形象以名皆四明山之支派也

寶慶志

案諸山皆舊志所列今不能確指道里遠近姑附

此

魯皋山在縣西三十里東連鳳魯西接蔣山峯巒蔚秀上

鄞縣志

卷三

山川

三

有周郎中濂墓

成化志

岐山縣西三十里相傳嘗有異鳥集此又名旗山以張循

王陳兵於此

成化志

應舉在縣西三十里

李志

龍山縣西三十里宋袁鏞抗節死於西山家人驚悼投溺

此山之下者十有七人

閩志

董魯山縣西三十二里

成化志

稠嶺縣西三十五里明嘉靖間海道副使李文進命於此

設寨至三十八年三月內倭奴從此入林村

閩志

縣西有稠

嶺接慈谿縣界

方輿紀要

案曹志稠作鷲土音相近而譌

楊鼻山縣西三十五里峯巒環拱竹木森然嘉靖志

蔡鼻山縣西三十五里三鼻與望春相峙嘉靖志

資壽山在縣西三十五里成化志

武陵山縣西四十里舊傳劉阮採藥於此至今桃花萬樹

春月盛開如錦綺成化志山有棋盤石問志

沈明臣武陵山詩才入青山自可憐秋深風月尚娟娟不知已作重來客明日還家恐是仙青精作飯紫蕨

羹飽後微吟水上行不道空山曾有寺隔溪風送午鐘聲紫雲紅霧逐人低樹裏泉聲竹裏雞盡日幽尋歸

不得萬山千水夕陽西一宿山中懶出門數家煙火隔前村秋深樹老無紅葉路在青天不可捫

楊承銀遊武陵山詩卷言適靈岫戴望西山陽孟冬天氣出沈為遠茫茫陰峯遞層鬱叠嶺互相望厓谷少行人

吹忽懷遊藏颯颯凌雲氣揮斤于晏蒼顧非虎豹姿向

壑中絕代不可忘

潘嶽嶺縣西四十里在西山之北西嶽嶺縣西四十五里

在西山之足開志

案邑人指城西面之山統曰西山故延亘頗廣如

此二嶺皆附西山也

聖公山縣西四十里嘉靖志

聖公嶺在縣西七十里壁立千仞其中石室虛明相傳朱

彥誠嘗遇仙於此明一統志

案聖公嶺與聖公山同名而相去至三十里之遠

當非一處或四字訛七歟姑附此俟考

聖女山縣西四十里嘉靖志

華家山縣西四十里嘉靖志

前鳳山後鳳山俱在縣西四十里卽鳳舉又曰鳳舉李

水之魚前鳳山詩鳳鳥時一鳴千載重巖谷中有羲皇人獨構梅花屋

案嘉靖志作前鳳後鳳

管公山縣西四十里李

白鶴山縣西四十里與望春山對峙為邑西小朶成化

蔣山縣西四十五里成化山有丁舉余家洞銀橫洞有龍

湫在靈龜洞聞

雷峯山在縣西四十五里成化

前舉山縣西四十五里羣峯起伏靈秀盤結成化

陸舉山縣西五十里成化

翠巖山縣西五十里有秦王石版弓箭洞葛仙翁以泥封

之遺跡猶存山下有金雞洞李丹山詠云翠巖有石壁千

雲注云葛仙翁到此見洞中魚長六七尺以杖擊之忽見

山神曰澗水通大洋魚從海來故也四明山志

吳潛勸農翠山沁園春詞二十年前君王東顧詔牧此

州念昔時豪傑猶難闢如今老大却更遲留四載相

望三春又半迤邐勤農得縱遊田疇事是桑條正長麥

穗初抽悠悠身世何求算七十迎頭合罷休謾繞隄

旌蕪牽連鶉擢喧天鼓吹斷送龍舟翠巖層邊碧雲堆

處一擔擔來天外愁如何好且同斟綠醕自課清誣

姊妹翠巖山詩深徑曲還曲幽巖空復空匡廬白鹿洞

樹栢金庭宮月光斜透煙霞氣半籠冥搜兼遠寄步

屐逐仙風

李生寅翠巖山詩傳道金雞嶼秦皇警蹕來空餘當日

意獨使後人哀古木垂丹葉高巖積翠苔如逢不死藥

此地豈蓬萊

藤嶺在翠巖山之東北聞志

蜜巖山縣西六十里嘗產仙蜜成化志道書云蜜巖山上有

石匣盛仙蜜會動星象然身驗之石峯竦拔懸根峻壑非

葛藤連結可企故野蠶分巢其上歲久積蜜流溢潭間魚

噲喁變色來捕食之美珍常味蜜非家釀故以仙稱其潭

深湛不測是名石質丹山圖詠注云內有石室貯藏神仙

秘典禹時有逸士王真曾入觀之亦是嵩山虎口之亞也

涉溪為莊村有寶積寺四明山志

石樓山縣西六十里成化志石樓在縣南一名石柱云是四

明山纜風石出處太平寰宇記

大雷山縣西六十里成化志此東南之大雷與南面大雷相

去百里道書云山多禽獸每為獵人所狼籍神仙警以雷

火故有是名漢晉時得道者多居焉有靜水洞丹山詠云
謝眺曾居茲讀誦史傳無文不知何所據也有始皇廟相
傳始皇曾登大雷陸雲答車茂安書曰昔秦始皇留鄧縣
二十餘日則遺蹟此山固其宜也圖詠注云又有金雞洞

今其洞在翠巖下是當時通為一山矣四明山志

張邦奇遊大雷山詩十年重到大雷山依舊鶯花白
畫間細草遠連春澗綠落梅時點客衣斑流塵歲月人空
憶繞徑煙霏鶴未還采徧蘭皋猶駐馬夕陽何處水潺
潺維舟村寺隔平灘繞到山中便改觀一夜雨過鳴
澗壑半空雲墜失峯巒人家有徑蒼苔滑蕭寺無
僧翠竹寒此日故人千里隔欲攀高頂望長安
豐應元遊大雷山詩迢迢疑入武陵溪不見桃花路亦
迷屋裏青山成獨隱雨中深竹對幽棲縱談今古頻揮
麈歷覽園亭每策藜一宿仙
都人世遠更於何地覓丹梯

江村嶺在大雷山之外問志

版障嶺在大雷山之西北

志

沈明臣度版障嶺詩嶠嶺事征邁幽期洽清歡與穿窳
窳境撰策清冷湍流泉瀉紅壁白雲冒山冠蝶嶽攢秀
黛積谷遐考槃東來鬱波濤恍披翠岱淵岱淵既云逸
胡為矯奔鸞迴溪落遠村高吟錯霞鮮力罷不自任躋

浩凌軒軒遠天鳥
道絕何由觀喬徐

汪禮約度版障嶺詩我木山中人與世亦殊調跡希河
上隱事訪任公釣每託雲水歡頗愜賞心要開春氣已

和杖策凌危崎嶇一溪駛崩奔兩岸隋竹栢媚幽戶
春泉灑丹竈畏畏曉風起寂寂千花照山驚翠濤涌雲

殘游波濯技蘿嵌絕壁探石發孤叢高天若可捫洞壑
青難飛航遊賞經奇褰裳竟煙壑從此駕輕鴻永謝世

前人

孔鼻在大雷山之西有所謂三十六河雖名河而無水俯

聽則水聲游游人謂四明之伏流也

寶慶志

大皎山小皎山在縣西七十里即二韭山也謝康樂山居

賦遠東有三菁二韭注韭以菜爲名二韭四明皆相連接
按韭一名晶大晶小晶地產是菜故以爲名而易韭爲晶
已是難明復易晶爲皎展轉不已音義俱非遂使奇地蘊
沒余始追而理之丹山詠注云有山兩陣相向中間澗水
流分四面俗呼爲大小皎是也案此卽今之皎口由是出
它山四十里皆兩山相夾爲牆仞梅福四明山記曰四面
形勝各有區分中通一溪曰簞溪尋其地脉當是皎口之
溪謂之簞溪者故老嘗於水中見仙簞焉或曰簞溪導源
於嵎縣簞山卽剡源之溪此非也有八囊山八峰相次在
大皎有蘆棲坑兩山蘆覆二十里無居人亦遂名孤悽有
茅鏹有箭厂從此以達仗錫有石門潭有蓮花潭多怪石

皆皎口上流也

四明山志

案舊志不載二韭之名今考沈明臣遊四明山遊

記云小皎村盡表石界餘姚又云蒜坑東山之陽

即大皎鄞屬也則大小皎為鄞境無疑

張慙賢過大皎微詩已慰交親望石與落翠微雨晴山
瀨響風定雪花飛野鳥窺樵擔沙鷗上釣磯物情多自

適我也
近志後

錯愕嶺從大皎進四明之路

聞志

沈明臣度錯愕嶺詩錯愕復錯愕度之若昇天居然蜀
道險落在吾眼前三五迴顧十行九步顛捫雲手不
定崎嶇脚到肩峯欲壓面墮石疑撐背穿景奇心頗快
路迥愁仍煎前得平者笑後遭危者憐汗落不可掬息

陰生

汪禮約錯愕嶺詩萬峯青青縹緲危嵒騰騫兩崖老

石上人凌樹杪霞六丁蹴死煙飛草大谷沉沉入南極

蛛絲鳥路風吹直鐵花老幹春不歸鬼母號天罔雨泣
怪蛟窺人作人立逆水冷洗雙屐陰風翦雨雲片濺
峽天漏日水花白巨石開闢起仙宅欲傾不傾
走魂魄征西將軍眼花碧蠶叢魚鳧空踴踴

松巖山縣西七十里後連天井山成化志松巖舊有慈恩院

亦名崇巖開志

鯨魚山縣西七十里成化志

江北墩縣北三里桃花渡之北其地天成高阜九十有九
獨一墩半入於江相傳望氣者故破壞之使不成百也開志

日湖縣治東南一里許一名細湖又名競渡湖周圍二百

五十丈有奇成化志競渡湖即開元寺西之小湖也昔有黃

鍾二公競渡於此故後人名其處亦呼為小江里又曰浴

江里也韋道圖經

月湖縣治西南一名西湖又曰南湖周圍七百三十丈有

奇或化志 西湖在州南六十步中有汀洲鳥嶼凡十乾道圖經

日月二湖皆源於四明山一自它山堰經仲夏堰入於南

門一自大雷經廣德湖入於西門瀦為二湖在城西南隅

南隅曰日湖又曰細湖又曰小江湖又曰競渡湖西隅曰

月湖又曰細湖湖之支派繚繞城市往往家映修渠人酌

清泚又引之於北隅鑿兩池以停之淫潦泛溢則城之東

北隅有食喉氣喉二碑以洩於江寶慶志

舒直西湖記湖在州城之西南隅南隅廢久矣獨西隅

存焉今西湖是也其縱南北三百五十大其橫東西四

十丈其周圍總七百三十丈有奇其中有橋二絕湖而

過曰幢撞天禧間直館李侯夷庚之所建也然僻在一

隅初無遊觀人跡往往不至嘉祐中錢侯君倚始作而

新之總橋三十丈橋之東西有廊總二十丈廊之中有

亭曰衆樂其深廣幾十丈其前後有廡其左右有室而
 又環亭以爲島嶼植花木於是遂爲州人勝賞之地方
 春夏時士女相屬鼓歌無虛日亭之南小洲前此有屋
 纔數椽乃僧定安守橋之所後浸廣今遂以爲僧院壽
 聖是也其西又有偉祠四并其東皆卿士大夫之所居
 其北有紅蓮閣大中祥符中章郇公嘗侔是州實勸之
 有記在焉閣之北卽郡酒務故時使人卽湖以汲水勞
 費甚乃堤湖之中畜清流作樓於其上以轆轤引而注
 之至今以爲便然是湖水未圖志所不載其經始之人
 與其歲月皆莫得而考蓋嘗聞之父老明爲州瀨江而
 帶海其水善洩而易旱稍不雨居民至飲江水是湖之
 作所以南引它泉之水畜以備旱歲始未之信也熙寧
 中慶大旱開境取給於其中湖爲之竭既又穴爲井置
 壺以守之鄆令虞君大寧嘗記其事刻石於壽聖院乃
 知父老之傳不誣也錢侯去距今幾三紀矣而湖輒浸
 寢不治其亭南旣堤以爲放生池瀨湖之民又緣堤以
 植芰茨之類至古以爲田澹澹蕪沒幾不可容舟元祐
 癸酉劉侯純父來守是邦適歲小早乃一切禁止而疏
 浚之增卑培薄環植松柳復因其積土廣爲十洲而敵
 壽聖之閣以其名名之蓋四明之景物具焉湖遂大治
 然其意初不在遊觀也古人於事蓋不苟作惟其利害
 伏於久遠難知之中所以後世貴因循者或莫之省而

奸功之士至樂爲之紛紛也明有數湖危於廢者不特是湖也若劉侯可謂有志於民矣故其論之以冠諸圖庶來者有考焉元

誌甲戌三月記

湖岸誰家好棧閣燕子一雙飛過墻五月荷花紅滿

湖圍荷葉綠雲長女郎把釣水邊立折得柳條穿白

魚水仙廟前秋水清芙蓉湖上新雨晴畫船撐著莫

近岸一夜唱歌看月明梅花一樹大橋邊白髮

老翁來繫船明朝捕魚愁雪落半夜推篷起看天

城之河渠一水自它山經仲夏而入南門一水自大雷經

廣德湖而入西門淫潦泛溢則城之東北隅有硤以洩於

江硤間猶存二水之入城爲州民之利今猶昔也乾道圖經

府東河源發府後池南入於平橋河聞志

平橋河西入月湖東入日湖其支流二一東入市心橋下

北流爲萬壽寺西之渠一東入漁欄橋下流爲城隍廟小

渠開

府西河即古子城之西濠北流入東林巷前池南入於西

水關裏河開

觀音寺前河西抵府城下渠東入府河開

天寧寺西河北入觀音寺前河南入西水關裏河開

頂蓋橋河東入府西河西入天寧寺西河口開

禮佛橋河東入府西河西入天寧寺西河開

西水關裏河東至石灰埠南入於月湖開

縣前河西至飯巷入府東河東過大池至團橋南流為鹹

塘灘之渠開

天封塔西河南至王監橋入日湖北至隱仙橋入縣前河

志聞

天封塔東河東至獅子橋入於岳廟西河西至大福橋南

入於日湖志聞

岳廟西河南至明州橋入於日湖北抵鹹塘匯流為渠達

破石橋志聞

大廟前河東入於南水關裏直河西經鎮明嶺右至平橋

水則左入月湖志聞

府學前河東抵乾硯頭西流至貢院橋北入覺河頭為渠

達白衣寺前志聞

縣學後河東流合廣濟橋南入日湖西流過湖橋入於月

湖志聞

南水關裏直河南出水關北流合普照橋之水東入於日

湖聞志

南水關裏東河西入月湖東入日湖聞志

靈應雙池縣治南鮑王靈應廟之後聞志

放生池一在城內延慶寺宋天聖中郡守曾會奉勅立碑

學士劉筠為記一在月湖衆樂亭南乾道初郡守趙伯圭

建廣生堂龍舒朱翌為記一在縣東隱學山棲真寺唐大

歷中鑿宋熙寧中復修承奉郎沈遼有記聞志

鄞江一名甬江四明諸山之水匯流東北出而達定海縣

界東南有奉化江西北有慈谿江皆流合於鄞江明史稿鄞

江南接奉化江西接慈谿江三江同會定海之大挾江東

入於海

嘉靖志

奉化江源於四明之鎮亭山出奉化縣之惠政橋與諸溪

水會而南來亘府城之東然後北與慈谿江會而入海寶慶

志奉化江在奉化縣北四十五里俗名北渡江流入鄞江

明一統志

慈谿江源於紹興餘姚之太平山至丈亭而分一貫邑中

一環邑前二江皆東來至西渡復合亘府城之北入於海

隨潮上下

寶慶志

慈谿江自上虞餘姚慈谿縣境東流至縣

東三港口會鄞江而東注

明一統志

黃宗義今水經云鄞江其源有二一自奉化合它山之

水東流經奉化縣北四十五里為奉化江一自上虞縣

太平山

經餘姚縣

治南

名姚江

潮上下二百餘里而水不鹹歷慈谿縣境東流俱至寧波府城東三港口會名

鄞江東流至定海縣治為大澗口入於海

齊召南水道提綱云甬江即鄞江有南北二源北源曰

姚江亦曰舜江山出餘姚縣西南八十里之太平山西北

流至上虞縣南乃東北出經餘姚舊城新城中間而東

又東經蒸谿縣南曰前江藍溪交溪諸水皆流合焉其

南有大西小西二壩東南有南港東港與奉化江會於

寧波府城西西南者二壩之下流會於府城之東北者南

港也又東分流為鎮海縣西南入江者東港也南源曰

奉化江亦曰北渡江亦曰東剡溪源出奉化縣西南連

山故末嶺東北流經縣城東南而北稍西有東剡溪西

北自陳公嶺東南流來會又北分為二派北派稍東北

與蒸谿二壩下流會又東至府城南南派復合又東北

至咸東北與姚江之南港會又東北與東港會經鎮海

縣城南即大小澗江總匯也又東一里至招寶山前

澗口南曰金雞嶼北曰虎蹲山又前曰蛟門入於海

案鄞江之正源出於四明山自仗錫過大皎出宅

山堰過鄞江橋始有鄞江之名又東南過百梁橋

元貞橋至方橋而奉化江自東南合焉又東南經

北渡九經塘翻石渡銅盆浦周宿渡長春塘過郡城之東迤北而慈谿江自西流入焉所謂三江口也合流東北注至鎮海而入於海蓋鄞江合奉化江至郡城東始有甬江之名及慈谿江西來同注於鎮海統名甬江矣鄞江奉化江慈谿江各自有源始分而後合齊氏水道提綱謂鄞江有南北二源卽慈谿奉化二江而不知鄞江自有正源一謬也又謂慈谿江與奉化江會於寧波府城西南則奉化之水斷無流向府城西南之理二謬也若云二壩下流爲慈谿江之下流則尤不達於地勢二壩以內之水承山溪流入於江江水不能入壩也江水

通潮古人置碶壩以禦鹹潮使江流不得溢入齊
侍郎生長浙東何乃昧於流之上下三謬也且二
壩以上之水係鄞江之別支與奉化江無涉縱使
舟楫可通亦須越幾重壩而至豈容指爲交會四
謬也其言奉化江分南北二派其北派與慈谿二
壩下流會尤屬妄說奉化江至方橋而合於鄞江
江之北岸皆有碶閘碶閘以內皆它山之水分流
交注實鄞江上源之支也內水高江水低其非江
水所分明甚五謬也辨水道者當先知地形之高
下以浙人敘浙水尙有此失地理豈易言哉

蕙江縣南六十里水出大晦山踰江口會於句章鄉三港

口抵它山堰沙明卉香奄山原而環之若帶嘉靖志 鄞江踰

它山而下南接奉化江環而為蕙江又折而為芙蓉江閩志

蘭江在縣南六十里西接它山堰水山響巖山下遶蘭浦

堰東流出與蕙江相接李志

案蘭江蕙江芙蓉江名雖不同皆鄞江上流之別

名也

雁湖縣東北三里桃花渡北顏公渠南嘉靖志

及本峻甬東江北歐春樹重重春日和春江九曲抱城

過龍頭直接桃花渡燕尾斜穿上市河 迢遙沙阜是

荷塘面面澄江儘可盡不盡石帆奔海月春風曛網稻

花魚百十魚鱖下海門布帆五色若雲屯甬東北岸

鄞江上習習腥風五月繁 犁鋤荷鑄種春苗蠶荳花
開春正饒十里清溪鴨寨堰萬株蒼檜麥陽橋桑柘
林中綠漸敷村村花噴喚提壺江風日冷忘歸去猶有
斜陽滿雁湖 夫差破後已亡吳會說清江駐舳艫惟

有鰲林猶似昔千門落日自啼鳥

鼓場新河縣東五里嘉靖九年知縣黃仁山用里老應文

澄巖馳之言役工初開引橫溪河之水由大石橋磳入演

武場西偏轅門止李志

東錢湖縣東二十五里一名萬金湖以其為利重也在唐

曰西湖蓋鄆縣未徙時湖在縣治之西也延祐志鄆縣東二

十五里有西湖溉田五百頃唐書地理志

王禕登客越志湖名東錢又曰萬金山昏水亂渡丹淺碧不知凡幾十重青鸞大如鶴羣翔碧藻間鳥鳳鵲身

黃味黑光如漆皆吳中所無

袁士元寒食過東錢湖詩德說西湖足勝遊東湖誰信更清附一百五日客舟過七十二溪春水流自鳥影邊

霞嶼寺翠微深處月波樓天然景物誰能狀千古詩人咏不休

范欽汎東湖詩澄波四望空畫舸泝冷風野寺輕鷗外
人家細雨中菰蒲臨水映洞壑與天通卽擬尋真去花

源香未窮

余有丁東錢湖詩錢湖佳勝萬山臨映水樓臺
花木深開拓平疇入百頃不知誰祀陸南金

沈一貫遊東錢湖詩晴湖如鏡近人開十里寒光照影
來鐵笛一聲秋月曉素琴三疊晚雲哀冰生蕙渚魚初

蟄雲覆松房鶴未回小笠長
簑誰共釣西風杖履自登臺

錢維喬東錢湖詩東坡昔日守穎州復有西湖供燕游
我今作令明州住亦有東湖索題句三年繫清夢半日

駕短蓬水光山色漾明鏡下上但覺雲溶溶輕陰遠環
諸嶺翠落照乍返澄波紅浴流參錯見短屋隔嶼隱約

問疎鐘茲湖三邑資灌溉七十二鄉衆流會百夫築硤
慎所防一舸投畧洩斯害頻除菱葑蔓未已或借樊籬

佔成界昔人建議悉良法俗吏奉行枉稅稗我來雖亦
圖幽尋采風兼與懷古深鳧鷖飛散簿書眼霞月欲盪

塵煩襟丞相書堂久寥落不及陶朱釣魚樂古來富貴
亦須臾何況卑官強束縛却思勝境駒乃全此湖僻處

偷天然我將縱筆拓真
本攜歸買不費一錢

寶幢河縣東四十五里源出太白山經滙絳橋至江東硤

閘嘉靖志

東吳河源出太白山北入會小白河嘉靖志

小白河縣東四十五里源出太白山與小白河流合於大

涵山前經滙絳橋至江東硤閘嘉靖志

月兒灣縣東三十五里包家橋形如新月月出水即吐涌

月中即止嘉靖志

諸葛灣縣東四十里大涵山下嘉靖志

青溪縣東五十五里源出水簾洞嘉靖志

鄒溪縣東八十里源出菩提嶺北流至大嵩入於海成化志

橫溪縣東南四十五里源出乾坑北流至橫溪河成化志

南塘河縣南源出它山經洞橋沙港滙櫟社入南門志成化

綠雨溪縣南二十里櫟社常樂寺之後聞志

沈明臣詩家住芙蓉江上人歸綠雨溪頭花落朗吟對酒月明長嘯登樓

槎湖縣西南二十里嘉靖志

馬湖縣南五十里相傳為賀知章洗馬池李志

小江湖在縣南二十五里乾道圖經唐志鄧縣南二里有小江

湖漑田八百頃開元中令王元暉置民立祠祀之按九域

志即它山堰也今有善政侯王長官祠郡志乃謂城中之

小湖誤矣圖經云唐貞觀十年縣令王君照修與唐志不

同王應麟小江湖辨

楊守陳小江湖詩川原四望同舟楫萬方通野色西山雨江聲北渡風玉泉秋月白錦嶼暮花紅最是農家樂

禾麻歲豐 碧水紅蘭港清風翠柳渠橋傳周學士
菴記魏尚書遠浦銅盆隱平山石曰虛懷賢并弔古臨

眺獨
脚對

小溪縣西南五十里地名童家坡今為河所塞

成化志

樓鑰小溪道中詩簇簇蒼山隱夕暉遙看野雁著行歸
久之不動方知是一塔碎雲寒不飛 後湖環村儘溯

游鳳山寺下換輕舟舟人努

力雙篙急引得清溪逆岸流

豐應元遊小溪詩曉山秋影靜溪水碧於苔薛荔緣崖
古芙蓉隔岸開千家成市井十里見樓臺何事歸舟急

悠悠白
鷺猜

光溪縣西南五十里源出四明山東經蜜巖匯天象巖至

它山堰分流洞橋灌溉桃源清道諸鄉之田

成化志

桓溪縣西南五十五里之桓村宋避欽宗諱改桓為環

開志

洪水灣去它山堰一里餘宋寶祐間判府吳潛即其地為

壩三一瀕江以禦狂瀾一瀕河以禦罅漏一介其間為表

裏之拓至正續志

西塘河縣西源出大雷山經湖泊轉高橋南通十字港西

北抵西渡壩東流入西門延祐志

廣德湖在縣西十二里舊名罌脰湖周迴萬有二千八百

七十一丈宋政和七年知州樓昇奏請開墾為田乾道圖經詳見

水利

武陵溪桃源溪俱縣西三十五里武陵溪在武陵山下自

山口至流花橋桃源乃武陵之下流也大雷花溪輿及石

林莊輿諸水皆會於此其流抵西塘河聞志

曾鞏桃源溪詩來時秋不見桃花空樹寒泉
瀉石涯爭得時人見鸞鳳不教身去憶煙霞

沈一貫桃源溪詩雞犬三家夕桑麻
一葉春安知天地外別有古今人

莊家溪縣西五十里源出大雷山澗合姚家坑之水出藤
嶺北會莊家鰓溪水東流經林村市下罌脰湖橋下湖泊

河問

包家灣縣西北十里北抵大江相傳下有龍窟嘉靖志

綵戲橋潭縣東五里舊有龍窟廣袤十餘丈深不可測至

今甚旱不涸嘉靖志

孔家潭縣東四十五里嘉靖志

銅盆浦龍潭縣南一十里時或大白蛇橫於江面則雲霧

晦冥旱禱即應邑人相傳謂日湖白龍飛徙於此嘉靖志

錫山龍潭縣西南五十里宋淳祐間有白龍顯於此又名

龍窾 嘉靖志

懸磁葑潭縣西南六十里泉深不及膝以竿探其泥葑可

下數丈歲旱溪河皆涸潭水漫出滋田數千畝 嘉靖志

冷水潭縣西南五十里潭不及斗許汲之不竭 嘉靖志

下潭縣西南五十五里即它山堰上 嘉靖志

中潭去它山二里許俗呼鍾潭者非 嘉靖志

上潭即平水潭去它山三十里許 嘉靖志

法華泉縣西南二十里常樂寺側 嘉靖志

惠泉縣西南二十里 嘉靖志

西山雙乳泉縣西三十五里資教寺北味甘色白故名 嘉靖志

志

超惠泉縣西南四十五里天王寺北

嘉靖志

靈泉縣西三十五里林村下寮山泉從地中出相傳僧智

回卓錫取水水應錫出旱甚不竭故名靈泉又曰湧泉

嘉靖志

府治前井

聞志

縣治前井

聞志

魏家巷井縣治東三十步

聞志

分司北街井縣治東五十步

聞志

孟婆井

聞志

參議廟井縣治西四十步

聞志

紡絲巷雙井縣治南一里許里人王高置

聞志

海神井縣治東南一里在海神廟中

聞志

車橋南巷井縣治東南

聞志

雄黃井縣治東南君子營內舊為嘉賓堂館外國入貢者

常投雄黃以避毒故名

聞志

涵虛井縣治西南月湖四明驛西以此地舊為涵虛館故

名

聞志

徐氏義井縣治西南醋務橋側明萬歷間里紳徐時進置

所濟遠近甚溥

聞志

洪聖廟井縣東三里廣利龍王祠前久旱不涸

聞志

江東雙井縣東三里源自大涵山來味極甘冽大旱不竭

上石竇二故名

聞志

化成井縣東十八里相傳一道人見月取水鑿地成之故

名聞志

尹泉井縣東三十里龍山北深不滿五尺水僅數升以次

汲之歲旱不竭聞志

靈鏡井縣東南二十五里延福寺天王廟前歲旱禱之即

雨聞志

城西陳氏義井縣西湖音堂前里人陳罕置聞志

馮灣古井縣西二十五里又名八角井聞志

華家井縣西三十里聞志

碧溪亭井縣西南四十里仲夏橋側聞志

竹節亭井縣西南四十五里丁家嶺下上有亭其石柱琢

成竹節故成

聞志

金澤義井在北郭灣頭宋嘉定七年里人金世安建福海壽堂五世孫金澤就芻捨地穿井蓋亭以憩行者

聞志

案鄞邑煙竈滋繁所在井亦不一不勝采登此就前志所有以存舊蹟故特錄之

鄧縣志卷三終